

UCAPAN PERDANA MENTERI DI MAJLIS
JAMUAN INSTITUTION OF ENGINEERS DI
FEDERAL HOTEL, KUALA LUMPUR PADA
30^{HB} JUN, 1972

Tuan Pengerusi,¹ Y.B. Menteri, Tuan-tuan dan Puan-puan.

Terlebih dahulu saya ingin mengucapkan berbanyak-banyak terimakasih atas kesudian tuan-tuan menjemput saya dan isteri saya di majlis Jamuan Makan Tahunan Institution of Engineers ini.

Saya amat menghargai penghormatan yang tuan-tuan berikan kepada kami berdua sebagai tetamu khas Majlis ini selama tiga tahun berturut-turut.

Jadi, saya berdua hanya berdoa dan berharap semuga Institution of Engineers Malaysia ini terus maju dan mencapai kejayaan-kejayaan yang gemilang di masa hadapan.

Tuan-tuan dan Puan-puan,

Sebagai layman, tidaklah apa yang dapat saya nasihatkan tuan-tuan mengenai soal-soal professional. Bagaimanapun, tuan-tuan sendiri mengetahui Kerajaan sekarang sedang melaksanakan dengan penuh azam *Blueprint for Tomorrow* iaitu asas-asas yang kukuh untuk negara pada tahun-tahun akan datang.

Sebahagian terbesar dari pelaksanaan ini melibatkan tuan-tuan sebagai professional kerana seluruh infrastructure untuk perkembangan ekonomi dan sosial memerlukan public works planning yang benar-benar mencerminkan hasrat dan cita-cita kebangsaan.

Dalam hubungan inilah saya rasa tuan-tuan dikehendaki mengambil peranan yang sepenuhnya. Public works planning in its theoretical sense is visionary. In a practical sense, it is a response to a need and the blueprint and road map to the future.

Dalam tempoh beberapa tahun ke hadapan ini, negara kita akan mengalami perubahan-perubahan besar yang sayugianya menghendaki perancangan-perancangan yang teratur menurut waktu.

¹ Encik J. G. Daniel.



Tun Abdul Razak bin Hussein kelihatan sedang berucap di Majlis Makan Malam Instituti Kejuruteraan di Federal Hotel, Kuala Lumpur pada 30hb Jun, 1972.

(Gambar Jabatan Penerangan Malaysia)

Tambahan penduduk negara dalam masa satu decade akan datang mendesak kita sekarang memikirkan priorities menghadapi perubahan-perubahan itu. As population grows and our society becomes more complex, numerous and conflicting demands for improvements will arise. Thus the concept of planning and its implementation certainly bears an important influence on the future well-being of the nation.

Tuan-tuan dan Puan-puan,

Saya sungguh gembira kerana hari ini Kerajaan mendapat sepenuh sokongan dan kerjasama dari Institution of Engineers ini, baik yang di dalam Kerajaan mahu pun di bidang swasta.

Memandang pada banyaknya projek-projek besar yang sedang dan akan dilaksanakan dalam beberapa tahun ini, dan memandang pada kekurangan tenaga Jurutera di Jabatan Kerjaraya sekarang, saya telahpun mengarahkan supaya Jabatan ini mengkaji lagi kemungkinan meluaskan peluang bidang swasta menjayakan projek-projek yang besar itu. Saya percaya dengan pembahagian kerja-kerja ini, kita akan dapat memenuhi target pembangunan sambil memberi kepuasan kepada semua pihak.

Begitu juga saya ada berkata baru-baru ini dasar Kerajaan meminta bantuan tenaga-tenaga ahli (expert assistance) dari negara-negara luar yang tidak ada vested interest supaya matlamat-matlamat kita tercapai sepenuhnya.

Ini sudah pun dibuat sekarang dan sambil itu Kerajaan akan terus mengutamakan Syarikat-syarikat Perunding atau Consultants tempatan untuk membantu menjayakan projek-projek rancangan kita. Saya percaya dasar Kerajaan mengenai bantuan tenaga luar difaham dan mendapat sokongan Institution of Engineers ini.

Tuan-tuan dan Puan-puan,

Saya sukacita melihat kegiatan-kegiatan yang dijalankan oleh pertubuhan ini khasnya Symposium on Pollution yang berlangsung tidak lama dulu. Tuan-tuan sebagai ahli-ahli professional adalah turut sama bertanggung jawab terutama dalam hal-hal yang melibatkan kepentingan negara dan rakyat.

Saya suka mengambil kesempatan ini menyatakan tahniah dan penghargaan kepada Presiden lama, Encik Abu Zarim, atas khidmatnya yang cemerlang selama memegang jawatan. Seterusnya saya mengucapkan tahniah kepada Encik Daniel, Presiden baru dan berharap semoga di bawah pimpinannya Institution of Engineers ini akan menempahkan kejayaan-kejayaan baru dalam berbakti kepada negara dan masyarakat.

Before I sit down, I would like to invite all fellow guests here to raise and drink a toast to the Institution of Engineers.